



Synfocity = 1031

mail us at : mzsinfo@gmail.com; mizoramsynod@gmail.com - Phone - 2314648

April 30, 2026

❑ **Presbyterian Bible School (PBS) Farewell and Dedication Programme**

April 23, 2026 (Ningani) khan Presbyterian Bible School (PBS) chuan Batch 63-na pualin Farewell and Dedication Programme, Tuikhuahtlang Kohhran Hall-ah an hmang.

Programme hi Rev. C. Lalduhawma, Principal-in a kaihruai a, Rev. Vanlalchhunga, PBS zirtirtuin report a pe a, Rev. Dr. Rosiamliana Tochwawng, Executive Secretary i/c PBS-in zir chhuakte hnenah Certificate hlanin thuchah a sawi a, exam-a ti thate hnenah Upa C. Lalduhawma, Synod Secretary (Jr)-in lawmman a hlan a, class kai kim te hnenah Rev. R. Lalrinsanga, Moderator Elect-in lawmman a hlan a, Pu C. Awithanga Award chu Upa Lalthianghlina'n a hlan a ni.

PBS-ah hian a din tirh atangin tun thleng hian zirlai 2916 an awm tawh a, chung zinga 2450 chuan tha takin an pass tawh a. Tuna batch 63-naah hian zirlai 27 an awm a, zirlai 26 an pass a ni.

Exam-a ti tha zual pathumte hnenah lawmman Rs. 1000/-, Rs. 700/-, Rs. 500/- leh lawmpuina thuziak PBS Committee hminga hlan a ni a, chungte chu:-

1-na - Romel Ramropuia s/o Zomuansanga, Zawlnuam Kohhran

2-na - Vanhmingsanga s/o Lalmuanpuia Sailo, Champhai Venglai Kohhran

3-na - H.T. Roluti d/o Chinhleia (L), Salem Veng Kohhran

Batch 62-na zirlai zingah hian class kai kim mi 6 hnenah lawmman Rs. 500/- theuh hlan a ni.

Kum 2014 atangin Christian Theology subject leh Kohhran Inrelbawlina & PCI Danpui subject-a a ti tha ber te hnenah Pu C. Awithanga Award hlan thin a ni a. Batch 63-naah hian Kristian Theology subject-ah H.T. Roluti'n a dawng a, Kohhran Inrelbawlina & PCI Danpui subject-ah Romel Ramropuia, H.T. Roluti leh Zonunsanga ten an dawng a, award hian Rs. 2,000/- a keng tel a ni.

❑ **Missionary Training College (MTC) Graduation Day**

April 23, 2026 (Ningani) khan Missionary Training College (MTC) chuan Bachelor of Missiology (B. Miss.) zir zo mi 14 te thlahna hun (Graduation Service) wawi 14-na, Golden Jubilee Hall, Mission Vengthlang Kohhranah an hmang.

Programme hi chawhnu dar 2-ah tan a ni a, Rev. Lalfakzuala, Principal MTC-in inlawmna leh inhmelhriattirna hun a hmang a. Rev. Vanlalsawma, Registrar MTC-in zirlai chhuak turte inhmelhriattirna hun a hmang a. Synod Moderator, Rev. John Raldosanga'n College Annual Magazine a tlangzarh bakah Graduation Day thuchah a sawi. Rev. V.L. Luaia Hranleh, Senior Executive Secretary-in zirchhuakte hnenah Certificate a hlan a, Rev. Dr. Rosiamliana Tochwawng, Executive Secretary i/c Mission-in zirlaite hnenah lawmman chi hrang hrang a sem a, Rev. B. Zohmangaiha, Synod Secretary-in zirlaite intiamkamna hun a hman pui a. Synod Mission Choir te tum hnih an zai bawk. Rev. R. Lalmingsanga, Secretary Synod Mission Board chuan zir chhuakte tanngtaisakna hun a hmang a, Rev. Dr. K. Lalrinkima, ATC Principal-in malsawmnain programme a khar a ni.

Zirlai ti tha lawmman (College Awards 2026) hetiang hian hlan an ni:

- | | |
|---|---------------|
| i) R. Dala award for biblical studies | - Lalmuanpuia |
| ii) Rohmingthangi Award for Theological Studies | - Lalmuanpuia |
| iii) Tirhkoh Chhingtei Award for Mission and Historical Studies | - Lalmuanpuia |
| iv) M.Suaka Award for Religious and Cultural Studies | - Lalmuanpuia |
| v) Tirhkoh Thangzawna Award for Christian Studies | - Lalmuanpuia |
| vi) Rev. Dr. Lalsawma award for languages Studies | - Lalmuanpuia |
| vii) Upa Thangkima Ralte Award for Field Work and Project | - Lalmuanpuia |
| viii) Lalbiakchhungi Award for Academic Excellence | - Lalmuanpuia |
| ix) Robuanga Award for Best Outgoing Student | - Lalfakawma |

Missionary Training College hi kum 1978 khan Missionary Training Department tiin Aizawl Theological College-ah bul tan a ni a. Kum 1996 atang khan Aizawl Theological College (ATC), Durtlanga sawn chhoh a nih hnuin Synod Multipurpose Training Centre (SMTC) nen a kal kawp leh a, chumi hnuah

chuan Synod Multipurpose Training Centre (SMTC) aţangin lak hran niin Missionary Training Centre tih a lo ni ta a. Kum 2007 Synod chuan College-a hlan kai a remti a, Synod thurel angin June 4, 2010 khan Missionary Training College (MTC) chu a lo piang ta a, Senate of Serampore College hnuaiah chuan B. Miss zirna hmasa ber a ni. MTC-ah hian B. Miss zirna bakah missionary training chi hrang hrang neihpui thin a ni bawk.

❑ **Presbyterian English School (PES)**

Kumin 2026 HSLC result tihchhuah takah khan Presbyterian English School hrang hrangten Pathian zarah result tha an nei a. Tun dinhmunah Presbyterian English School zingah pawl 10 nei chin school 39 an awm mek a, chung zingah chuan school 18-ah fail awm lovin zirlaite an pass vek a ni. PES zirlai HSLC exam zawng zawng hi 865 an ni a, chung zinga zirlai 812-in an pass a. PES pass percentage hi 93.87 % a ni.

❑ **SL&PB**

May 3, 2026 (Pathianni) hian Tlangnuam West Kohhran Tleirawl Chawhnu inkhawmah Literature Campaign nei turin Pu Eric Lalnunmawia, campaigner a kal ang.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund aţangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Hualngohmun	Vanduaina tawk	1	₹ 20,000/-
2.	Mamit Dinthar	Khawsak harsa	1	₹ 10,000/-
3.	Mamit	Khawsak harsa	1	₹ 10,000/-
4.	West Serzawl	Damlo	1	₹ 10,000/-
5.	Bilkhawthlir Hmarveng	In chhia	1	₹ 10,000/-
6.	Sihphir	Damlo	1	₹ 10,000/-
			Belh khawm	₹ 70,000/-

❑ **Hruaina Eng TV Programme**

30.4.2026 (Ningani) 08:30 pm : Thupui zir bing
01.5.2026 (Zirtawpni) 05:00 pm : Kristian Naupang Pual
02.5.2026 (Inrinni) 05:30 pm : Puitling Sunday School Zirlai
03.5.2026 (Pathianni) 07:00 am : Sermon - Upa C. Lalrosanga
05.5.2026 (Thawhlehi) 06:00 pm : Nilai zan thupui
 08:30 pm : Kohhran Chanchin - Durtlang Kohhran

❑ **FM Zoawi - Aizawl & Lunglei : Hruaina Eng Radio Programme**

May 1, 2026 (Zirtawpni) @ 7:30 p.m. :

Solo : Lalrinawmi Ralte (Arini) - Ka inpumpek e, **Solo :** Lalfamkima - Ka lawm zel ang, **Thusawi :** Upa K. Laldingliana - Tiam chin lam pan, **Duet :** Isaac & Mami - I rinawm zia

❑ **Moderator leh Executive Secretary-te Programme :**

Rev. John Raldosanga, Moderator Programme:

April 29 - May 3, 2026 PCI General Assembly - Shillong

Rev. V.L. Luaia Hranleh, Senior Executive Secretary Programme:

April 27 - May 3, 2026 PCI General Assembly - Shillong

Rev. Dr. K. Lallawmzuala, Executive Secretary Programme:

April 28 - May 3, 2026 PCI General Assembly - Shillong

Rev. Dr. Rosiamliana Tochwawng, Executive Secretary Programme:

May 4, 2026

PES tha zawka enkawl dan tur Consultation

May 6, 2026

Pastoral

May 7, 2026

Khawzawl Vengthar PES Silver Jubilee lawmna hmanpui

May 8, 2026

Khawzawl PES tlawh

May 9-11, 2026

Tlungvel Vengthar Pastor Induction

